



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Regimine Ecclesiae Episcopalis In Octo Libros Distributus

Antonelli, Giovanni Carlo

Velitris, 1650

De habitu, & tonsura Clericorum. Cap. I.

urn:nbn:de:hbz:466:1-11401



IO. CAROLI ANTONELLI

SAC. THEOL. AC I. V. D. VELITERNI.

LIBER TERTIVS



DE BENEFICIS ECCLESIASTICIS.

S V M M A R I V M.

CAP. I.

De habitu & Tonsura Clericorum.

- 1 Qualis debeat esse habitus clericorum.
- 2 De iure antiquo Clerici utebantur lineatunica super quibuscunque vestibus.
- 3 Clerici deferre debent coronam, & tonsuram eorum ordini congruentem.
- 4 An Clerici non gestantes habitum, & tonsuram peccent mortaliter.
- 5 Itē an puniri possint alijs pœnis
An Pensionarius teneatur deferre habitum, & tonsuram clericalem, ibidem.
- 6 Quibus ex causis excusetur clericus non deferens habitum, & tonsuram, & nu. 7. 8. 9. & 10.
- 11 Quando Pensionarius non deferens habitum, & tonsuram amittat pensionem.



VALIS debeat esse habitus clericorum, nullibi determinatur, ut d. glos. pen. in clem. 1. de elect. Quarant. in ver. habitus clericalis, sed in hoc statatur consuetudini locorum c. si quis virorum, ubi glos. ver. veste 30. dist. Ricc. in Prax. for. eccles. par. 3. ref. 496. & par. 4. ref. 234. & alij communiter. Hoc tamen certum est, quod vestes clericorum non debent esse communes cum illis, quibus laici, & militares veuntur Piasco. in Prax. Episc. p. 2.

B b vup.

- cap. 3. num. 14. neque debent esse nimis breues, aut nimis longæ, neque coloris viridis, aut rubei, ut in cap. Clerici officia de vit. & bon. cleri. c. Ricc. in Praxi par. 4. d. ref. 234. vestes igitur clericorum debent esse humiles, honestæ, & decentes, non tamen viles nimium, sicut nec nimium delitiosa, sed mediocres sublato excessu seculari Concil. Trid. sess. 14. de ref. c. 6. Piaſeo loco cit. Selett. disquis. cleric. tit. de discipl. cleric. S. 16. n. 12. Ricc. in Praxi d. par. 4. ref. 234.
- 2 de iure autem antiquo Clerici utebantur linea tunica super quibuscumque vestibus, ut refert Ricc. in Praxi par. 4. d. ref. 234.
- 3 Deferre etiam debent coronam, & tonsuram eorum ordini congruentem iuxta text. in d. cap. Clerici officia, in memoriam spinæ coronæ Christi Domini, ut d. Barboſ. de offic. & pot. Episc. p. 2. all. 9. num. 10. Bonaccin. in tract. de Sacram. disp. 8. q. vn. pun. ult. n. 4. vel quia corona circularis significat dignitatem regiam, quam adipiscitur qui diuinis misterijs applicatur, & perfectionem virtutis, quam debent habere clerici, ut cum S. Thom. dicit Sylu. in ver. Clericus 2. nu. 2.
- 4 Vnde Clerici initiati maioribus ordinibus, aut habentes beneficium peccant mortaliter non gestando habitum, & tonsuram ad longum tempus absque iusta causa Bonaccin. loco cit. num. 3. & alij apud Barboſ. ut supra d. n. 10. & alij communiter. Clerici verò in minoribus facilius excusantur à peccato, cum possint ad statum laicalem transire: & ideo eos non peccare mortaliter, si non deferant habitum, & tonsuram, tenet Sylu. in ver. Clericus 2. num. 2. & alij, quos refert, & sequitur Dian. par. 5. tr. 5. ref. 60. possunt tamen cogi ad gestandum habitum decentem, & honestum, si clericalem habitum deferre velint Bonaccin. loco cit. num. 3. Quarant. in ver. habitus clericalis.
- 5 Qui verò honestum habitum clericalem iuxta ipsius Episcopi ordinationem, & mandatum non detulerint, possunt suspendi ab officio, vel beneficio, vel per alias censuras, aut carcerationem cogi Ricc. in Praxi par. 3. ref. 11. & si semel correpti denudò in hoc deliquerint, possunt etiam ipsis beneficijs priuari c. præcipimus 21 q. 4. Conc. Trid. d. sess. 14. cap. 6. hodie verò Clerici non solum beneficia, sed etiam pensiones, quæ tamen summam 60. ducatorum auri de camera excedant, obtinentes, si tonsuram, & vestes clericales talares non deferant, sunt eo ipso absque vlla monitione, citatione, seu decreto iudicis ipsis beneficijs, & pensionibus priuati, & huiusmodi beneficia sedi Apostolicæ reseruatur per constitutionem Sixti V. incip. Cum Sacrosancta, & per aliam eiusdem constitutionem incip. Pastoralis, quas refert Piaſeo. & Quarant. locis cit. prædictæ autem pensiones non incurruntur, nisi præcedat sententia Iudicis declaratoria iuxta veriorum sententiam Doctorum apud Ricc. in Praxi for. eccl. par. 3. ref. 476. Quarant. in ver. alienat.

- alienatio rerum ecclesie nu. 49.*
- 6 Excusatur tamen ab huiusmodi pœnis qui per vnum, aut paucos dies tonsuram, & habitum non gestat: nam ad eas incurrendas requiritur talis perseuerantia, vt publicè pro laico existimetur *Piasec. loco cit. nu. 14. Quarant. vbi supra Ricc. in Prax. for. eccl. par. 3. ref. 476. & par. 4. ref. 237. Barbos. d. all. 9. num. 20. Dian. par. 5. tr. 5. ref. 60.*
- 7 Secundò si propter paupertatè habitum congruentem deferre non potest, aut si propter aliquod verisimile periculum transformari cogeretur *Quarant. loco cit. Bellet. tit. de Discipl. cleric. §. 16. nu. 15. Piasec. d. num. 14. Ricc. in Prax. p. 1. resolutione 540.*
- 8 Tertiò excusatur ex causa itineris, aut peregrinationis, aut si Ruri moretur, aut domi; tunc enim licitum est habere vestes breuiiores *c. Episcopi. 21. q. 4. Bellet. loco citato num. 14. Ricc. in Prax. par. 4. resol. 237. Piasec. vbi supra, vbi refert decretum Sac. Cong.*
- 9 Quartò si propter infirmitatem, aut aliud simile impedimentum nequit tonsuram deferre *Clar. §. fin. q. 36. vers. quæro nunc Quarant. in ver. habitus clericalis Ricc. in Prax. par. 1. ref. 540. & par. 4. ref. 237. & alij apud Barbos. d. all. 9. n. 11. & 17.*
- 10 Quintò ad effugiendas supradictas pœnas sufficeret, vt vel toga, vel pallium talare sit: non enim necesse est deferre duas vestes talaras, vt dicunt DD. quos refert, & sequitur *Dian. par. 4. tr. 1. resol. 91. Barbos. par. 2. d. all. 9. num. 15. Ricc.*
- in Prax. par. 4. ref. 236.*
- 11 Sextò Pensionarius non amittit pensionè ex eo, quia non incedat in habitu, nisi cõstet de exactione pensionis: quia dicta constitutio Sixti V. *incip. Pastoralis*, priuat tantum illos Pensionarios, qui pensiones exigunt, vel per quos stat, quominus exigantur *Rot. coram Gregor. dec. 20. in fin. Ricc. in Prax. d. par. 4. ref. 237.*

SVM M A R I V M.

1 An plura beneficia retineri possint absque dispensatione, & numero 2.

3 An possit Episcopus tria, vel plura beneficia conferre, & n. 4.

5 Duo beneficia curata, vel alias residentiam requirentia non possunt simul retineri etiamsi essent insufficientia.

6 An ordinarius possit conferre secundum beneficium obtinèti primum, quod per se esset sufficiens, sed tamen ad sustentationem non sufficit propter onus pensionis.

7 Et an possit beneficiũ conferre habenti iam in pensionibus ecclesiasticis sufficientem sustentationem.

8 An possit tolerari pluralitas beneficiorum, si ita in fundatione cautum sit.

Et an minor 14. annorum possit in tali casu beneficium simplex adipisci, ibidem.